

თვითმმართველი ქალაქის - ბათუმის მერია



მიწისქვეშა კომუნიკაციების, გზების, ქუჩების, პარკების, სკვერების, მოედნებისა
და სხვა კეთილმოწყობის სამუშაოების ტექნიკური ზედამხედველობის

ელექტრონული ტენდერის

სატენდერო დოკუმენტაცია

ქ. ბათუმი

2014



ს ა რ ჩ ე ვ ი

1. <u>საკვალიფიკაციო მოთხოვნები</u>	3
2. <u>ტექნიკური დოკუმენტაცია</u>	4
3. <u>დანართი №1, ინფორმაცია პრეტენდენტის გამოცდილების შესახებ</u>	9
4. <u>დანართი № 2, ინფორმაცია სპეციალისტთა კვალიფიკაციის შესახებ</u>	10
5. <u>დანართი № 3, ფასების ცხრილი</u>	11

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.



1. საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1. იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

1.2. ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება.

1.3. საკვალიფიკაციო მონაცემების წარმოდგენა:

ა) საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „ღ“ ქვეპუნქტით გათვალისწინებული ეტაპის დაწყების შემდეგ (წინადადების მიღება დაწყებულია).

ბ) საკვალიფიკაციო მონაცემების დამადასტურებელი დოკუმენტების (ელექტრონული სახით) წარმოდგენა შესაძლებელია სისტემის მეშვეობით.

გ) არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.



2. ტექნიკური დოკუმენტაცია

2.1 . შესყიდვის ობიექტის მოცულობა:

ა) ქ. ბათუმში მიწისქვეშა კომუნიკაციების, გზების, ქუჩების, პარკების, სკვერების, მოედნების და სხვა კეთილმოწყობის სამუშაოების ტექნიკური ზედამხედველობა - **დანართი №3.**

2.2 . ტექნიკური პირობები:

2.2.1. გასაწევი მომსახურება:

- კონტროლი საპროექტო გადაწყვეტილებების დაცვაზე, ნორმატიული დოკუმენტების მოთხოვნებზე;
- შესრულებული სამშენებლო სამუშაოების, გამოყენებული კონსტრუქციების, ნაკეთობებისა და მასალების საპროექტო გადაწყვეტასთან, სამშენებლო ნორმებისა და წესების მოთხოვნებთან, სტანდარტებთან, ტექნიკურ პირობებსა და სხვა ნორმატიულ დოკუმენტაციასთან შესაბამისობის კონტროლი;
- საპროექტო დოკუმენტაციაში გამოვლენილი დეფექტების აღმოფხვრისათვის საკითხის დროულად დაყენება და შესრულებაზე კონტროლი;
- მშენებლობაზე გამოყენებული კონსტრუქციების, ნაკეთობებისა და მასალების ტექნიკური პასპორტების, სერთიფიკატების, ლაბორატორიული შემოწმების შედეგებისა და ხარისხის დამადასტურებელი სხვა დოკუმენტების არსებობის შემოწმება, საჭიროების შემთხვევაში ლაბორატორიული შემოწმების ჩატარება;
- სამუშაოთა აღრიცხვის ჟურნალის წარმოების შემოწმება და მასში შესაბამისი ჩანაწერებისა და შენიშვნების განხორციელების უფლებამოსილება და წარმოება;
- მონაწილეობა სამშენებლო კონტროლისა და მშენებლობის ცალკეული ეტაპის სამშენებლო სამუშაოთა ხარისხის შემოწმება-შეფასებაში და პროექტთან შესაბამისობის დადგენაში;
- პირველადი საშემსრულებლო ტექნიკური დოკუმენტაციის წარმოებაზე კონტროლი და სამშენებლო სამუშაოების წარმოებისას ნაკლოვანებებისა და დეფექტების გამოვლენის შემთხვევაში აღმოფხვრისათვის ღონისძიებების გატარება და საჭიროების შემთხვევაში მასში ცვლილებების შეტანაზე საკითხის დაყენება;
- კონტროლი სამშენებლო ორგანიზაციის მიერ სახელმწიფო მაკონტროლებელი ორგანოების მითითებების მიწერილობების, აგრეთვე ტექნიკური ზედამხედველობის იმ მოთხოვნათა შესრულებაზე, რომლებიც მიეკუთვნება სამშენებლო სამუშაოების ხარისხს, გამოყენებულ კონსტრუქციებს, ნაკეთობებს და მასალებს;
- მონაწილეობა მუშა კომისიების მიერ ცალკეული სამშენებლო სამუშაოების ხარისხზე და საპროექტო მონაცემთა შესაბამისობაზე ჩატარებულ შემოწმებებში;
- სამუშაოთა ცალკეული ეტაპის დასრულების შემდეგ ტესტირების ჩატარების მოთხოვნა და შესაბამისი შემოწმება;
- შესრულებული სამუშაოების ეტაპის ან მთლიანი შესრულების დამოწმება და მიღებაჩაბარების აქტისა და გადახდის სერტიფიკატის გაფორმება და შემსყიდველზე დაფინანსების წინადადების წარდგენა;



- კონტროლი შემსრულებლის მიერ გამოყენებული მასალების და კონსტრუქციების შენახვის ნორმებთან შესაბამისობაზე;
- სამუშაოების შესრულების სახელშეკრულებო ვადებთან და გეგმა-გრაფიკთან შესაბამისობის კონტროლი;
- საჭიროების შემთხვევაში პროექტსა და ხელშეკრულებაში ცვლილების შეტანის მიზანშეწონილობისა და აუცილებლობის შესახებ შემსყიდველ მხარეზე არგუმენტირებული წინადადებების წარდგენა;
- შემსრულებლის მიერ ხელშეკრულების პირობების არაჯეროვანი და უხარისხო შესრულების, ხარვეზების და დეფექტების (ასეთის არსებობის შემთხვევაში) არ აღმოფხვრის ან ვადების დარღვევის შემთხვევაში მისი დაჯარიმების საკითხის დაყენება და შესაბამისი დოკუმენტაციის (დაჯარიმების აქტი) შედგენა, საჭიროების შემთხვევაში ხელშეკრულების შეწყვეტის საკითხის დაყენება;
- მშენებლობის პროცესში მშენებლობის მიმდინარეობის შესახებ შემსყიდველისათვის სისტემატიური ინფორმაციის მიწოდება წერილობითი ფორმით (მუშა თათბირის ოქმები, აქტები და სხვა), სამუშაოთა შეჩერების ან შეფერხების წარმოქმნისთანავე გადაუდებელი აუცილებლობის შემთხვევაში შემსყიდველზე ზეპირი ან/და წერილობითი ინფორმაციის მიწოდება დაუყოვნებლივ;
- სამუშაოების დასრულების შემდეგ შემსყიდველისათვის პროექტის შესრულების შესახებ საერთო ანგარიშის (დასურათებული, ელექტრონული და ბეჭდური ფორმით) წარდგენა.

2.2.2. სამუშაოთა შემოწმება კონკრეტული სახეობების მიხედვით:

ა) ბეტონის სამუშაოების მიღება

ბეტონისა და რკინაბეტონის კონსტრუქციების მიღებისას უნდა იქნას შემოწმებული:

- კონსტრუქციების შესაბამისობა მუშა ნახაზებთან;
- მათი განლაგების სისწორე გეგმაში და სიმაღლეში;
- ბეტონის ხარისხის სიმტკიცე ლაბორატორიული შემოწმებით;
- ბეტონის ხარისხის ყინვაგამძლეობა;
- ბეტონის ხარისხის წყალშედწევადობა;
- საჭიროების შემთხვევაში სხვა პარამეტრების დადგენა;
- ნახვრეტების, დეფორმაციული ნაკერების, აგრეთვე ჩასაყოლებელი ნაწილების და სხვათა შესაბამისობა პროექტთან;
- კონსტრუქციებში გამოყენებული მასალების, ნახევარფაბრიკატების და ნაკეთობის ხარისხი.

შესრულებული ბეტონის და რკინაბეტონის კონსტრუქციების გადახრები ზომებში და მდებარეობაში არ უნდა აღემატებოდეს ნორმატივებით დაშვებულ გადახრებს.



2.2.4. ნორმატიული დოკუმენტები

ა) მიმწოდებელმა სამშენებლო სამუშაოს ზედამხედველობა უნდა განახორციელოს საქართველოს ეკონომიკისა და მდგრადი განვითარების მინისტრის 2010 წლის 18 თებერვლის ბრძანება №1-1/251 დადგენილი სამშენებლო წესებისა და ნორმების შესაბამისად;

2.3. ინფორმაცია პრეტენდენტის გამოცდილების შესახებ:

2.3.1. ინფორმაცია კომპანიის გამოცდილების შესახებ:

ა) პრეტენდენტს უკანასკნელი 3 წლის განმავლობაში (2011, 2012, 2013) შესრულებული უნდა ჰქონდეს ტენდერით გათვალისწინებული ანალოგიური ხასიათის, სირთულისა და შინაარსის (გზების, გზატკეცილების, ქუჩების მშენებლობა, რეკონსტრუქცია, რემონტი) შესაბამისი არანაკლებ 100 000 (ასი ათასი) ლარის მოცულობის სამუშაოებზე საზედამხედველო მომსახურება;

ბ) ინფორმაცია წარმოდგენილ უნდა იქნეს **დანართი №1** შესაბამისად;

გ) პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულისა და შინაარსის მომსახურების გაწევის დამადასტურებელი დოკუმენტების ასლები (ხელშეკრულების ასლები ხარჯთაღრიცხვით, მომსახურების გაწევის მიღება-ჩაბარების აქტების ასლები, ფორმა №2). ეს მოთხოვნა არ ვრცელდება ქ. ბათუმის მერიის დაკვეთით შესრულებულ სამუშაოებზე.

2.3.2. ინფორმაცია კომპანიის სპეციალისტთა გამოცდილების შესახებ:

ა) პრეტენდენტს ტენდერით გათვალისწინებული მომსახურების გასაწევად უნდა ჰყავდეს შესაბამისი პროფილის სპეციალისტები: საგზაო ინჟინერი, გეოდეზისტი, რომელთაც უნდა გააჩნდეთ ტენდერით გათვალისწინებული ანალოგიური ხასიათის, სირთულისა და შინაარსის მომსახურების გაწევის ან/და სამშენებლო სამუშაოების შესრულების არანაკლებ 3 (სამი) წლის გამოცდილება.

ბ) ინფორმაცია წარმოდგენილ უნდა იქნეს **დანართი №2** შესაბამისად;

2.4. ფასების ცხრილი:

ა) ფასების ცხრილი წარმოდგენილ უნდა იქნეს **დანართი №3**-ის შესაბამისად;

ბ) ფასში ასახული უნდა იყოს საქართველოს კანონმდებლობით გათვალისწინებული ყველა გადასახადი;

გ) თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დღგ-ს გარეშე (პრეტენდენტმა შენიშვნის სახით უნდა მიუთითოს გარემოება, რის საფუძველზეც არ ითვლება დღგ-ის გადამხდელად);

დ) თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მეასედებამდე. შესაბამისად, შეამციროს საერთო ფასიც.



2.5. ხელშეკრულების აუცილებელი პირობები:

2.5.1. ანგარიშსწორების პირობა:

ა) ანგარიშსწორების ფორმა - უნაღდო, ვალუტა - ლარი;

ბ) ანგარიშსწორება მიმწოდებელთან (ტექნიკურ ზედამხედველთან) მოხდება კონკრეტულ ობიექტებზე სამუშაოების შემსრულებელი მიმწოდებლის მიერ შემოთავაზებული საბოლოო სახელშეკრულებო ფასის პროპორციულად შესაბამისი პროცენტის ოდენობით. ანგარიშსწორება განხორციელდება ეტაპობრივად, მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენის შემდეგ 15 (თხუთმეტი) სამუშაო დღის განმავლობაში;

გ) საავანსო ანგარიშსწორება არ გამოიყენება.

2.5.2. ხელშეკრულების პირობების შესრულების წესი:

ა) მიმწოდებელმა სამშენებლო სამუშაოს ზედამხედველობა უნდა განახორციელოს საქართველოს ეკონომიკისა და მდგრადი განვითარების მინისტრის 2010 წლის 18 თებერვლის ბრძანება №1-1/251 დადგენილი სამშენებლო წესებისა და ნორმების შესაბამისად;

ბ) მომსახურების გაწევას “მიმწოდებელი” ასრულებს საკუთარი ძალებით. ხელშეკრულებით გათვალისწინებული მომსახურების მოცულობის 50%-მდე დასაშვებია გადაეცეს „შემსყიდველის“ მიერ მოწონებულ ქვეიჯარე ორგანიზაციას;

გ) მომსახურების ნაწილის ქვეიჯარაზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებისაგან;

დ) შემსყიდველზე სამუშაოთა შესრულების დაფინანსებაზე წინადადების მიწოდება უნდა განხორციელდეს მიღება-ჩაბარების აქტის გაფორმებიდან არაუგვიანეს მეორე სამუშაო დღისა.

2.5.3. ხელშეკრულების პირობების შეუსრულებლობა:

ა) ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირ-გასამტეხლო ხელშეკრულების საერთო ღირებულების 5%-ის ოდენობით.

2.5.4. მიწოდების ვადა:

ა) მომსახურება უნდა განხორციელდეს ხელშეკრულების გაფორმებიდან 2014 წლის 31 დეკემბრამდე.

2.6. ხელშეკრულება სახელმწიფო შესყიდვის შესახებ:

ა) ხელშეკრულების საბოლოო ვარიანტი დაზუსტდება ელექტრონულ ტენდერში გამარჯვებულ პრეტენდენტთან ხელშეკრულების გაფორმების პროცესში, გარდა სატენდერო დოკუმენტაციის 2.5. პუნქტით განსაზღვრული მოთხოვნებისა.



2.7. პრეტენდენტი პირის რეკვიზიტები:

- პრეტენდენტის იურიდიული ფორმა და დასახელება
- საიდენტიფიკაციო კოდი/ ნომერი
- პრეტენდენტის იურიდიული და ფაქტიური მისამართი:
- ხელმძღვანელის სახელი, გვარი
- პრეტენდენტის ტელეფონის ნომერი: ☎ ტელ.: ; 📠 ფაქსი.: ; 📱 მობ.: ;
- ელექტრონული მისამართი, E-mail:
- ბანკის დასახელება
- ბანკის კოდი
- ანგარიშსწორების ანგარიში

2.8 პრეტენდენტმა უნდა უზრუნველყოს:

ა) სატენდერო დოკუმენტაციით განსაზღვრული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში, შემდეგი თანმიმდევრობით:

- ფასების ცხრილი;
- ტექნიკური პირობები;
- ინფორმაცია პრეტენდენტის გამოცდილების შესახებ;
- ინფორმაცია სპეციალისტთა კვალიფიკაციის შესახებ;
- ხელშეკრულების აუცილებელი პირობები;
- პრეტენდენტი პირის რეკვიზიტები;

ბ) ყველა დოკუმენტი ხელმოწერილი და ბეჭედდასმული უნდა იყოს უფლებამოსილი პირის მიერ.

2.9. საკონტაქტო ინფორმაცია:

ა) სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. ბათუმი, ლუკა ასათიანის ქ. №25; პირველი სართული, მე-7 ოთახი; E mail: tender@batumi.ge; საკონტაქტო პირი: ბაგრატ ხალვაში, ტელეფონი: (0 422) 27 26 18; თენგიზ პეტრიძე, ტელეფონი: (0422) 24 63 17.



მიწისქვეშა კომუნიკაციების, გზების, ქუჩების, პარკების, სკვერების,
მოედნებისა და სხვა კეთილმოწყობის სამუშაოების ტექნიკური
ზედამხედველობის შესყიდვის ელექტრონული ტენდერის სატენდერო დოკუმენტაცია

3. დანართი №1

ინფორმაცია პრეტენდენტის გამოცდილების შესახებ

№	მომსახურების დასახელება (თითოეული ობიექტის მიხედვით)	შემსყიდველის დასახელება	სამუშაოების ღირებულება, რომლებზეც განხორციელდა საზედამხედველო მომსახურება	ხელშეკრულების ღირებულება	გაწეული მომსახურების ღირებულება
1					
2					
...					
ჯამი (2011 წელი)					
1					
2					
...					
ჯამი (2012 წელი)					
1					
2					
...					
ჯამი (2013 წელი)					
სულ ჯამი					

პრეტენდენტის ხელმოწერა _____ ბ.ა.



4. დანართი №2

ინფორმაცია სპეციალისტთა კვალიფიკაციისა და გამოცდილების შესახებ

№	სახელი, გვარი	თანამდებობა, სპეციალობა	სამუშაოს საერთო გამოცდილება (წელი)	ანალოგიური მომსახურების გამოცდილება	უმაღლესი სასწავლებლის დამთავრების წელი, სპეციალობა, დიპლომის მიხედვით	ორგანიზაციების დასახელება და დაკავებული თანამდებობები წლების მიხედვით
1						
2						
3						
...						

შენიშვნა: არასწორი ან/და ყალბი ინფორმაციის წარმოდგენის შემთხვევაში, “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-13 მუხლის ”ზ” ქვეპუნქტის შესაბამისად, პრეტენდენტი დაექვემდებარება დისკვალიფიკაციას, რაც იმავე წესის 24-ე მუხლის შესაბამისად, ითვალისწინებს მის დარეგისტრირებას სახელმწიფო შესყიდვების სააგენტოს შავ სიაში.

პრეტენდენტის ხელმოწერა _____ ბ.ა.

5. დანართი №3

ფასების ცხრილი

პრეტენდენტის დასახელება _____

სატენდერო წინადადების ფასი _____

№	მომსახურების დასახელება	სამუშაოების ღირებულება (ლარი)	მომსახურების %	მომსახურების ღირებულება
1	მიწისქვეშა კომუნიკაციების, გზების, ქუჩების, პარკების, სკვერების, მოედნების და სხვა კეთილმოწყობის სამუშაოების ტექნიკური ზედამხედველობა	4 934 354		

პრეტენდენტის ხელმოწერა _____ ბ.ა